



Bosna i Hercegovina  
Federacija Bosne i Hercegovine

OPERATOR ZA  
OBNOVLJIVE IZVORE ENERGIJE  
I EFIKASNU/UČINKOVITU KOGENERACIJU



**PLAN RADA**  
**Operatora za obnovljive izvore energije i efikasnu kogeneraciju**  
**za 2022. godinu**

Januar 2022. godine

**Adresa:** Adema Buća 34, 88000 Mostar, Bosna i Hercegovina

**T:** +387 (0) 36 281030 | **F:** +387 (0) 36 281031

**e-mail:** kontakt@operatoroieiek.ba | **web:** www.operatoroieiek.ba

**Općinski sud u Mostaru - MBS:** 58-05-0002-14 | **JIB:** 4227816850001 | **PDV:** 227816850001

**UNION Banka d.d. Sarajevo** - br. računa: 1020010000018792 | br. računa: 1020010000020053

www.operatoroieiek.ba

Na osnovu člana 20. stav (1) tačka d) i f) Statuta Operatora za obnovljive izvore energije i efikasnu kogeneraciju („Službene novine Federacije BiH“, broj: 89/20), na prijedlog v.d. Direktora, Upravni odbor Operatora za OIEiEK na 9. sjednici, održanoj dana 02.02.2022. godine, usvaja

## **PLAN RADA** **Operatora za obnovljive izvore energije i efikasnu kogeneraciju** **za 2022. godinu**

Plan rada Operatora za OIEiEK pripremljen je u skladu sa Zakonom o korištenju obnovljivih izvora energije i efikasne kogeneracije, Uredbom o podsticanju proizvodnje električne energije iz OIEiEK i određivanju naknada za podsticanje, Uredbom o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija, Odlukom o statusnim pitanjima i organizaciji Operatora za obnovljive izvore energije i efikasnu kogeneraciju („Službene novine Federacije BiH“, broj: 91/19), Statutom Operatora za OIEiEK („Službene novine Federacije BiH“ broj: 89/20).

Plan je pripremljen na način da predstavlja polazni dokument za preciziranje aktivnosti Operatora za obnovljive izvore energije i efikasnu kogeneraciju u 2022. godini.

Finansijska sredstva koja su neophodna za provedbu aktivnosti iz Plana rada za 2022. godinu predviđena su Finansijskim planom rada za 2022. godinu. Finansijski plan je sastavni dio Inicijative za izračun jedinične naknade za podsticanje koja je usvojena na sjednici Vlade Federacije BiH održane 10.01.2022. godine, čime je usvojen i Finansijski plan te su osigurana sredstva za provedbu aktivnosti iz Plana rada za 2022. godinu.

### **Uvod**

Plan rada utvrđuje smjernice svim djelatnicima Operatora za OIEiEK sa ciljem određivanja radnih aktivnosti u toku 2022. godine. Glavni cilj planiranih aktivnosti u toku 2022. godine se odnosi na održavanje finansijske stabilnosti Operatora za OIEiEK te daljni razvoj i institucionalno jačanje Operatora za OIEiEK, a sve u okviru zakonom propisanih obaveza i datih nadležnosti. Ograničavajući faktor za planiranje radnih aktivnosti u 2022. godini ogleđa se u činjenici da je Akcioni plan Federacije BiH za korištenje obnovljivih izvora energije -APOEF istekao 31.12.2020. godine a nadležne institucije nisu donijele novi planski dokument kojim bi regulisali ovu oblast.

Nadležnost Operatora za obnovljive izvore energije i efikasne kogeneracije (u daljnjem tekstu: Operator) regulisana je članom 10. Zakona o korištenju obnovljivih izvora energije i efikasne kogeneracije („Službene novine Federacije BiH“ br. 70/13 i 05/14) (u daljnjem tekstu: Zakon). Operator za OIEiEK ima sljedeće nadležnosti:

a) donosi interna pravila rada i poslovanja Operatora za OIEiEK,

b) prikuplja, obrađuje i vodi evidenciju o ukupnoj električnoj energiji proizvedenoj u postrojenjima kvalifikovanih proizvođača,

c) u skladu sa članom 26. ovog zakona, na zahtjev privilegovanog proizvođača, zaključuje ugovor o otkupu električne energije po garantovanim otkupnim cijenama i vrši otkup ukupne električne energije proizvedene iz postrojenja privilegovanog proizvođača,

d) u skladu sa članom 20. ovog zakona, na zahtjev kvalifikovanog proizvođača, zaključuje ugovor o otkupu električne energije po referentnoj cijeni i vrši otkup ukupne električne energije proizvedene iz postrojenja kvalifikovanog proizvođača,

e) u skladu sa članom 26. ovog zakona, na zahtjev potencijalnog privilegovanog proizvođača, zaključuje predugovor za otkup električne energije po garantovanim otkupnim cijenama,

f) vrši obračun i isplatu finansijskih sredstava za isporučenu električnu energiju privilegovanim proizvođačima koji su zaključili ugovor sa Operatorom za OIEiEK po garantovanim cijenama, odnosno kvalifikovanim proizvođačima po referentnoj cijeni za isporučene količine proizvedene energije,

g) u skladu sa članom 27. stav (2) ovog zakona zaključuje Ugovor o otkupu električne energije sa mikroproizvođačem, te vrši obračun i isplatu finansijskih sredstava za isporučenu električnu energiju,

h) sa svakim pojedinačnim snabdjevačem iz Federacije i kvalifikovanim kupcem koji električnu energiju za vlastite potrebe nabavlja od snabdjevača van teritorije Federacije, sklapa ugovor kojim će se detaljno urediti sva međusobna prava i obaveze, uključujući prikupljanje naknada kao i obavezu snabdjevača I kvalifikovanih kupaca da izda Operatoru za OIEiEK odgovarajuće garancije za osiguranje uplata,

i) izrađuje analize ostvarenih količina električne energije u odnosu na planirane količine električne energije proizvedene iz OIE,

j) vrši fakturisanje i naplatu od snabdjevača za isporučenu električnu energiju proizvedenu iz postrojenja privilegovanih proizvođača, po referentnoj cijeni,

k) prikuplja i obrađuje podatke o ukupnoj finalnoj potrošnji električne energije u Federaciji koje dostavljaju operator mreže, snabdjevači i kvalifikovani kupci iz tačke h) ovog stava, na mjesečnom nivou, radi obračuna naknada,

l) prikuplja naknade za podsticanje od snabdjevača i kvalifikovanih kupaca iz tačke h) ovog stava,

m) sudjeluje u predlaganju pravila o balansiranju elektroenergetskog sistema u saradnji s ovlaštenim institucijama, uključujući i pravila za obračun naknada za debalans, koja su u nadležnosti Nezavisnog Operatora sistema u Bosni i Hercegovini (u daljnjem tekstu: NOS BiH),

n) u ime privilegovanih proizvođača vrši isplatu sredstava za balansiranje elektroenergetskog sistema nadležnom tijelu,

o) vodi poseban transakcijski račun za obračun i plaćanje električne energije proizvedene iz OIEiEK,

p) provodi propisane aktivnosti vezane za promovisanje OIEiEK,

q) dostavlja polugodišnje i godišnje izvještaje o poslovanju Ministarstvu i Regulatornoj komisiji,

r) vodi Registar garancije porijekla kako je opisano u čl. 11. i 17. ovog zakona, izdaje, vrši prenos i poništavanje garancija porijekla električne energije, te energije grijanja i hlađenja,

s) vodi Registar projekata,

t) vodi evidenciju o realizaciji i poštivanju procedura otkupa energije iz OIE.

U skladu sa ovlaštenjima datim Zakonom o korištenju obnovljivih izvora energije i efikasne kogeneracije, izrađen je Plan rada za 2022. godinu.

Osnovna tema ovog Plana rada su zapravo Strateški ciljevi čijom realizacijom će sistem podsticanja proizvodnje električne energije iz OIE u Federaciji BiH biti stabilniji te će se omogućiti njegov daljnji razvoj sukladno globalnim trendovima iskorištavanja obnovljivih izvora energije. Za 2022. godinu utvrđeno je osam strateških ciljeva:

- Održavanje stabilnosti i funkcionalnosti Sistema podsticanja proizvodnje električne energije iz OIE u Federaciji BiH baziranog na FIT (Feed-in Tariff)
- Kontinuirana saradnja sa institucijama u Federaciji BiH i državi BiH na izradi zakonskih i podzakonskih akata koji se tiču sektora obnovljivih izvora energije te njihovo usaglašavanje sa EU zakonodavstvom
- Uspostava Sistema izdavanja garancija porijekla električne energije iz OIEiEK
- Izrada Pravilnika o metodologiji za raspodjelu troškova balansiranja za privilegovane i kvalifikovane proizvođače
- Unapređenje postojećih internih akata Operatora za OIEiEK te izrada nedostajućih
- Kontinuirano ulaganje u obrazovanje i stručno usavršavanje ljudskog potencijala
- Institucionalno jačanje Operatora za OIEiEK
- Aktivnosti na provođenju kampanje podizanja svijesti o korištenju obnovljivih izvora energije

U nastavku se nalazi opisni i tabelarni pregled strateških ciljeva, programa i pojedinačnih aktivnosti koje Operator za obnovljive izvore energije i efikasnu kogeneraciju ima namjeru sprovesti u 2022. godini.

### **Strateški cilj 1. - Održavanje stabilnosti i funkcionalnosti Sistema podsticanja proizvodnje električne energije iz OIE u Federaciji BiH baziranog na FIT (Feed-in Tariff)**

**Adresa:** Adema Buća 34, 88000 Mostar, Bosna i Hercegovina

**T:** +387 (0) 36 281030 | **F:** +387 (0) 36 281031

**e-mail:** kontakt@operatoroieiek.ba | **web:** www.operatoroieiek.ba

**Općinski sud u Mostaru - MBS:** 58-05-0002-14 | **JIB:** 4227816850001 | **PDV:** 227816850001

**UNION Banka d.d. Sarajevo** - br. računa: 1020010000018792 | br. računa: 1020010000020053

www.operatoroieiek.ba

Održavanje stabilnosti i funkcionalnosti Sistema podsticanja proizvodnje električne energije iz OIE u Federaciji BiH će se osigurati kroz izvršavanje zakonom propisanih aktivnosti koje podrazumjevaju da Operator:

- sa svakim pojedinačnim snabdjevačem iz Federacije i kvalifikovanim kupcem koji električnu energiju za vlastite potrebe nabavlja od snabdjevača van teritorije Federacije, sklapa ugovor kojim će se detaljno urediti sva međusobna prava i obaveze, uključujući prikupljanje naknada kao i obavezu snabdjevača i kvalifikovanih kupaca da izda Operatoru za OIEiEK odgovarajuće garancije za osiguranje uplata,
- vrši fakturisanje i naplatu od snabdjevača za isporučenu električnu energiju proizvedenu iz postrojenja privilegovanih proizvođača, po referentnoj cijeni
- prikuplja naknade za podsticanje od snabdjevača i kvalifikovanih kupaca
- vrši obračun i isplatu finansijskih sredstava za isporučenu električnu energiju privilegovanim proizvođačima koji su zaključili ugovor sa Operatorom za OIEiEK po garantovanim cijenama, odnosno kvalifikovanim proizvođačima po referentnoj cijeni za isporučene količine proizvedene energije
- na zahtjev privilegovanog proizvođača, zaključuje ugovor o otkupu električne energije po garantovanim otkupnim cijenama i vrši otkup ukupne električne energije proizvedene iz postrojenja privilegovanog proizvođača,
- na zahtjev kvalifikovanog proizvođača, zaključuje ugovor o otkupu električne energije po referentnoj cijeni i vrši otkup ukupne električne energije proizvedene iz postrojenja kvalifikovanog proizvođača,
- na zahtjev potencijalnog privilegovanog proizvođača, zaključuje predugovor za otkup električne energije po garantovanim otkupnim cijenama,

Unutar ovih strateškog cilja definisana su 2 programa sa ukupno 5 aktivnosti sa jasno preciziranim nosiocima aktivnosti, rokovima te mjerljivim indikatorima izvršenja.

## **Strateški cilj 2. - Kontinuirana saradnja sa institucijama u Federaciji BiH i države BiH na izradi zakonskih i podzakonskih akata koji se tiču sektora obnovljivih izvora energije te njihovo usaglašavanje sa EU zakonodavstvom**

Operator za OIEiEK se u toku 2021. godine aktivno uključio u izradu plansko-strateških te zakonskih i podzakonskih akata BiH/FBiH. Posebno ističemo da smo u toku 2021. godine zajedno sa Federalnim ministarstvom energije, rudarstva i industrije (u daljnjem tekstu FMERI) započeli sa izradom Nacrta novog Zakona o korištenju obnovljivih izvora energije i efikasne kogeneracije u FBiH koje aktivnosti će se nastaviti tokom 2022. godine

Također, aktivno smo uključeni u izradu:

- Učešće u izradi NECP BiH
- Učešće u izradi dokumenta „Energetska tranzicija BiH“

**Adresa:** Adema Buća 34, 88000 Mostar, Bosna i Hercegovina

**T:** +387 (0) 36 281030 | **F:** +387 (0) 36 281031

**e-mail:** kontakt@operatoroieiek.ba | **web:** www.operatoroieiek.ba

**Općinski sud u Mostaru - MBS:** 58-05-0002-14 | **JIB:** 4227816850001 | **PDV:** 227816850001

**UNION Banka d.d. Sarajevo** - br. računa: 1020010000018792 | br. računa: 1020010000020053

www.operatoroieiek.ba

- Učešće u aktivnostima IRENA-a na izradi Procjene spremnosti BiH za unapređenje korištenja OIE

„National energy and climate plan” – NECP je državni energetska i klimatski plan čije donošenje je obaveza proistekla iz potpisivanja međunarodnih ugovora, a ne zakonska obaveza. Bez obzira na rečeno, političko je opredjeljenje da se u periodu 2021-2030 upravo NECP-om postave i entiteski i državni ciljevi u oblasti razvoja OIEiEK. S tim u vezi razrađen je način učestvovanja Operatora u kreiranju ovog, za nas, važnog dokumenta.

Gore navedene aktivnosti će se nastaviti i tokom 2022. godine uz nastojanje Operatora za OIEiEK da se aktivno uključi i u sve aktivnosti koje dolaze u narednom periodu a odnose se na sektor obnovljivih izvora energije.

Unutar ovih strateškog cilja definisana su 4 programa sa ukupno 9 aktivnosti sa jasno preciziranim nosiocima aktivnosti, rokovima te mjerljivim indikatorima izvršenja.

### **Strateški cilj 3. - Uspostava Sistema izdavanja garancija porijekla električne energije iz OIEiEK**

Regulatorni okvir za implementaciju izdavanja garancija porijekla električne energije proističe iz Zakona o korištenju OIEiEK.

Tokom 2021. godine, uslijed poznatih dešavanja u proteklom periodu, Operator za OIEiEK ponovno je uspostavio komunikaciju sa „The Association of Issuing Bodies” – AIB, međunarodnom udruženju koje okuplja zvanično imenovana tijela (institucije) za izdavanje garancija porijekla električne energije. Planirano je da se iste aktivnosti nastave i tokom 2022. godine. Konačna svrha ovog cilja je punopravno članstvo u gore pomenutom udruženju i uspostava funkcionalnog sistema izdavanja garancija porijekla električne energije iz OIEiEK u Federaciji BiH a što će se ostvariti realizacijom sljedeća tri programa:

- Izrada „Domain protokola”
- Nabavka prava za upotrebu software-a - elektronskog registra (Registracijska databaza) za izdavanje, prenos i poništenje garancija porijekla
- Aktivnosti za primjenu „Pravila o objavi o porijeklu električne energije”

Uspostava funkcionalnog Sistema izdavanja garancija porijekla proizvedene električne energije iz OIEiEK omogućit će brži razvoj sektora obnovljivih izvora energije u Federaciji BiH.

Garancija porijekla se izdaje na zahtjev kvalifikovanog proizvođača u svrhu dokazivanja snabdjevačima i krajnjim kupcima da je porijeklo električne energije koja je proizvedena u njihovim proizvodnim postrojenjima iz obnovljivih izvora energije.

Garancija porijekla se standardizira za veličine od 1 MWh.

Privilegovani proizvođači koji se nalaze u sistemu podsticaja ne ostvaruju pravo na garancije o porijeklu, nego to pravo ostvaruju kvalifikovani proizvođači koji proizvedenu električnu energiju iz OIE prodaju na tržištu.

U okviru ovoga cilja podrazumjeva se unaprjeđenje internih akata vezanih za izdavanje garancija porijekla kao i uspostava Registra garancija porijekla u skladu sa zakonskim propisima.

Ograničavajući faktor koji može imati negativan uticaj na provedbu ovog strateškog cilja ogleda se u nepostojanju jasno definisanih zakonskih obaveza pojedinih učesnika u tržištu u pogledu nadležnosti koje bi omogućile implementaciju sistema garancija porijekla u sistem podsticanja obnovljivih izvora energije u Federaciji BiH.

Unutar ovih strateškog cilja definisana su 3 programa sa ukupno 10 aktivnosti sa jasno preciziranim nosiocima aktivnosti, rokovima te mjerljivim indikatorima izvršenja.

#### **Strateški cilj 4. - Izrada Pravilnika o metodologiji za raspodjelu troškova balansiranja za privilegovane i kvalifikovane proizvođače**

Regulatorni okvir za izradu Pravilnika o metodologiji za raspodjelu troškova balansiranja za privilegovane i kvalifikovane proizvođače proističe iz Zakona o korištenju OIEiEK.

Obzirom da od dana usvajanja Zakona o korištenju obnovljivih izvora energije i efikasne kogeneracije (2013. godina) pa do 2021. godine isti nije usvojen, Uprava Operatora za OIEiEK je u toku 2021. godine pokrenula aktivnosti na izradi Nacrta Pravilnika o metodologiji za raspodjelu troškova balansiranja za privilegovane i kvalifikovane proizvođače kojeg je Upravni odbor Operatora za OIEiEK, na prijedlog Uprave, usvojio. Po usvajanju Nacrta Pravilnika 17.12.2021. godine održana je javna rasprava. U toku 2022. godine planiran je nastavak aktivnosti sa konačnim ciljem donošenja gore navedenog Pravilnika i njegove funkcionalne primjene, uvažavajući specifičnost problematike koju predmetni Pravilnik obrađuje te kadrovske i tehničke osposobljenosti Operatora za OIEiEK.

Usvajanje i provedba ovog Pravilnika će zahtijevati ako ne potpunu onda barem djelomičnu reorganizaciju Operatora za OIEiEK.

Unutar ovih strateškog cilja definisan je 1 program sa ukupno 5 aktivnosti sa jasno preciziranim nosiocima aktivnosti, rokovima te mjerljivim indikatorima izvršenja.

#### **Strateški cilj 5. - Unaprjeđenje postojećih internih akata Operatora za OIEiEK te izrada nedostajućih**

**Adresa:** Adema Buća 34, 88000 Mostar, Bosna i Hercegovina

**T:** +387 (0) 36 281030 | **F:** +387 (0) 36 281031

**e-mail:** kontakt@operatoroieiek.ba | **web:** www.operatoroieiek.ba

**Općinski sud u Mostaru - MBS:** 58-05-0002-14 | **JIB:** 4227816850001 | **PDV:** 227816850001

**UNION Banka d.d. Sarajevo** - br. računa: 1020010000018792 | br. računa: 1020010000020053

www.operatoroieiek.ba

U toku 2022. godine u cilju provedbe ovog strateškog cilja planirane su aktivnosti na unapređenju postojećih internih akata u cilju racionalizacije i pojednostavljenju procedura koje su Investitori dužni provesti kod Operatora za OIEiEK a u svrhu promocije korištenja obnovljivih izvora energije u BiH. U toku vršenja kontrole poslovanja za period 2019.-2020. godina, Ured za reviziju institucija u Federaciji BiH je identifikovao određeni broj internih akata koji nedostaju a koje je je Operator za OIEiEK bio u zakonskoj obavezi izraditi. Shodno navedenom, u toku 2022. godine Operator za OIEiEK će pristupiti izradi svih nedostajućih akata.

Unutar ovih strateškog cilja definisana su 2 programa sa ukupno 6 aktivnosti sa jasno preciziranim nosiocima aktivnosti, rokovima te mjerljivim indikatorima izvršenja.

### **Strateški cilj 6. - Kontinuirano ulaganje u obrazovanje i stručno usavršavanje kadrovskog potencijala**

Obzirom da su globalni trendovi u sektoru energetike usmjereni ka intenzivnijem iskorištavanju obnovljivih izvora energije te činjenicu na kontinuirani porast interesovanja kako domaćih tako i stranih investitora za iskorištavanje potencijala obnovljivih izvora energije u Federaciji BiH, a imajući na umu specifičnosti predviđenih zadataka Operatora za OIEiEK te činjenicu da je sektor obnovljivih izvora unazad par godina doživio veliku ekspanziju kako u Federaciji BiH tako i u svijetu, Operator za OIEiEK planira u toku 2022. godine uložiti sredstva u školovanje i usavršavanje svojih zaposlenika (stručne radionice, seminari, konferencije, stručni posjeti i sl.) a sve u cilju unapređenja sektora obnovljivih izvora energije u Federaciji BiH.

Povjerene nadležnosti iz Zakona o korištenju obnovljivih izvora energije i efikasne kogeneracije, Operator za OIEiEK bi trebao obavljati sa visokom razinom znanja uposlenika koje se može realizirati jedino kroz kontinuirano educiranje i obuku radi postizanja pune spremnosti za uspostavljanje kvalitetnog sistema.

Kontinuirano stjecanje dodatnih znanja otvara mogućnost stalnog unapređenja i povećanja kvalitete u obavljanju poslova koji su zakonom propisani kao obaveza Operatora za OIEiEK.

Unutar ovih strateškog cilja definisan je 1 program sa ukupno 5 aktivnosti sa jasno preciziranim nosiocima aktivnosti, rokovima te mjerljivim indikatorima izvršenja.

### **Strateški cilj 7. - Institucionalno jačanje Operatora za OIEiEK**

Prateći globalne trendove, te trendove u Federaciji BiH kada je u pitanju sektor obnovljivih izvora energije dolazi se do zaključka da je isti u velikoj ekspanziji. Imajući u vidu gore navedeno nameće se logičan zaključak da bi Operator za OIEiEK u narednom periodu trebao doživiti određenu reorganizaciju i transformaciju te postati vodeća institucija kada je u pitanju iskorištavanje obnovljivih izvora energije u Federaciji BiH.

Na osnovu naprijed navedenog, planirano je da se u toku 2022. godine, kada se za to steknu zakonski uslovi (Prema važećem Statutu Operatora za OIEiEK nadležnost za donošenje

sistematizacije je na FMERI-u i Vladi Federacije BiH), pristupi izradi nove sistematizacije obzirom da je dosadašnja prevaziđena i ne omogućuje razvoj Operatora za OIEIEK kao ni sektora obnovljivih izvora energije u Federaciji BiH.

Obzirom na gore navedene planove za donošenja nove sistematizacije, u toku 2022. godine planirano je i preseljenje u nove prostorije jer trenutne ne zadovoljavaju stvarne potrebe Operatora za OIEIEK.

Shodno zaduženjima i potrebama neophodno je provesti i aktivnosti koje podrazumjevaju nabavku odgovarajuće ITK opreme koja je neophodna za nesmetan rad Operatora za OIEIEK,

Unutar ovih strateškog cilja definisano je 7 programa sa ukupno 11 aktivnosti sa jasno preciziranim nosiocima aktivnosti, rokovima te mjerljivim indikatorima izvršenja.

### **Strateški cilj 8. – Aktivnosti na provođenju kampanje podizanja svijesti o korištenju obnovljivih izvora energije**

U okviru ovog strateškog cilja u toku 2022. godine planira se pokretanje medijske kampanje kako bi se sektor obnovljivih izvora energije približio široj javnosti te ukazalo na sve benefite koje obnovljivi izvori nose kako za pojedince tako i za društvo. Također, kroz kampanju nastojat će se popularizirati iskorištavanje obnovljivih izvora kroz organizovanje stručnih skupova na kojima će uposlenici Operatora za OIEIEK biti na raspolaganju široj društvenoj zajednici kako bi im približili sektor obnovljivih izvora energije.

Unutar ovih strateškog cilja definisan je 1 program sa ukupno 2 aktivnosti sa jasno preciziranim nosiocima aktivnosti, rokovima te mjerljivim indikatorima izvršenja.

Sastavni dio ovog plana je tabela u kojoj su, u skladu sa Uredbom o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija, izvršenje strateških i operativnih ciljeva detaljno raščlanjeno na programe i aktivnosti te definisani izvršioци, rokovi i mjerljivi indikatori izvršenja.

Predsjednik

Frano Glavaš

Broj: 01-187/22

Mostar, 02.02.2022. godine

